



Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. V. An ususfructus per Professionem Religiosi extinguatur? an
Monasterium in fideicommisso excludat, acquirátque Emphytevsim
profitente Religioso.

urn:nbn:de:hbz:466:1-40013

tatis transmittat ad Monasterium successio-
nis capax , sicut transmitteret ad alios
hæredes immediatos descendentes , sicque
Monasterium nomine Religiosi adhuc vi-
ventis Patre præmortuo ea jura acquirere ,
& præmortuo tali Religioso ante aditam
ab hoc hæreditatem posse Monasterium
eam petere : at si Religiosus præmoriatur

ante Patrem , nihil hæreditatis præmor-
tui transmititur cit. Sanch. c. 12. n. 7. ex
Gloss. final. in c. unicum causa 18. q. 10.
ex communi , quia legitima inquit Wa-
dingus Disput. s. dub. 1. §. 2. non debe-
tur filio à Patre adhuc vivente L. 1. §. im-
puberos ff. de collatione bonorum.



§. V.

*An ususfructus per Professionem Religiosi extinguatur ?
an Monasterium in fideicommisso excludat acquiratque Em-
phyteusim profitente Religioso.*

41. **U**susfructus est jus utendi , &
fruendi rebus alienis salvâ
rerum substântiâ , ita , leg. 1. ff. de usu-
fructu est jus personale , seu annexum
personæ . Quando annexitur personæ
ficta seu nunquam morituræ , uti si Civi-
tati , aut Monasterio constituitur , durat
centum annis leg. 8. ff. de usu , & usu-
fructus legato .

Fidei commissum est hæreditas ex
mandato testatoris tertio restituenda ; hæ-
res sic fideicommissio gravatus vocatur fi-
deicommissarius , seu fiduciarius sic di-
ctus à fide , cui confidit testator , ille ter-
tius vocatur substitutus , seu hæres secun-
do institutus . Primus autem institutus
dicitur hæres ; hinc patet quid sint pri-
ma , quid secundæ tabulae , de quibus fit
frequens in jure mentio . Primæ enim
dictæ sunt ab institutione primi hæredis ,
secundæ vero ab institutione secun-

di , seu à substitutione , quæ vel est con-
ditionata E. g. Si hæres sine liberis de-
cesserit , &c. Vel est absoluta , quando
nulla adjecta conditione hæredi imponi-
tur , ut hæreditatem totam , aut partem
transmittat ad Titium .

Emphyteusis est contractus , in quo
conceditur dominium utile retento direc-
to sub onere certæ pensionis proprietario
solvendæ , idque vel in perpetuum vel ad
tempus longum , seu ad tempus non mi-
nus decennio . His prænotatis .

Dico primò per Professionem Reli-
giosi extingui usumfructum in Ordine
successionis incapaci , secùs in capaci .
Ratio primi quod jus personæ , seu ossibus
inhærens extinguitur morte usufructua-
rii per §. finitum Institut. de usufructu .
Professio autem est mors civilis . Ratio
secundi est ex communi cum Lugo Di-
spnt.

sput. 3. n. 157. Haunold. tract. 3. n. 121. quod ex juris dispositione Monasterium constitutat unam personam cum Religioso, proinde hunc repræsentet unde necessitate est, ut jus hoc transeat de persona religiosi ad Monasterium. Extinguitur tamen etiam in Monasterio per mortem naturalem Religiosi & ususfructus consolidatur cum proprietate, nisi ut notat Haunold. tract. 3. c. 2. n. 121. fuisse Professio ususfructus ita constitutus, ut etiam remaneret apud hæredem ipsius: tunc enim esset novus ususfructus constitutus hæredi, ergo cum Monasterium sit hæres, eique ususfructus constitutus durat Annis 100. per cit. legem 8. de usu, & ususfructu legato, eo casu duraret post mortem Religiosi 100. annis.

Dico secundò substitutum in fide commisso excludi à Monasterio successionis capaci (secus incapaci) nisi substitutus sit causa pia, aut substitutio fuerit absoluta: Pars prima in favorem profitentium expressa est in Authentic. de sanctis. Episcopis. (quæ est Novella 123) c. 37. Haunold. tract. 4. n. 31. Pars secunda habetur in fine ejusdem capituli, in quibus verbis eti duplex tantum causa pia, nempe redemptio captivorum, & egentium altera exprimantur, ex intentione tamen præsumpta sit extensio ad alias causas pias Haunold. n. 32.

Pars tertia cum Haunold. n. 33. Molina, Palao, Sanchez contra Gomez &

alios, colligitur ex cit. Authentic. quæ planè supponit valere substitutionem, si sit nulla adjecta conditio.

Quod si testator hanc conditionem adjecisset: si hæres Professus fuerit Religionem capacem successionis. Resp. Haunoldus n. 35. cum cit Sanch. Palao contra Covar. Barbosa, &c. haberí pro non adjecta, proinde excludi substitutum.

Dico tertio Emphyteusim ex communiore sententia acquiri à Monasterio apud Sanchez lib. 7. moralium c. 15. quod cætera Professi bona transeant, nec alicubi excipiatur Emphyteusis.

Notandum tamen quod non abolutè, sed cum hoc onere transeat ad Monasterium, ut teneatur alienare transferendo in personam non magis privilegiatam, quam fuerit Professus ante Professionem: quo casu alienatio non prohibetur à jure, hoc enim vetans alienationem, cum sit conditum in favorem Monasteriorum non debet in odium detorqueri per Regulam 61. In sexto, quod ob gratiam alicuius conceditur, non est in ejus dispendium retorgendum, vide fusè Laym. lib. 3. tract. 4. c. 23. Ex his

Colligitur jus patronatū annexum bonis, quorum est Religio capax, quam profitetur Religiosus, transire ad eandem, in Scholasticis verò Societatis remanere penes eorundem dominium Lugo n. 206.



F

§. VI.